



Uunga: Aaja Cjemnitz Larsen, Inatsisartuni ilaasortaq, Inuit Ataqtigiit

Kommunini isumaginninnikkut nakkutilliisarneq pillugu § 37 tunggavigalugu apeqquteqaat

Kommunini isumaginninnikkut nakkutilliisarneq pillugu apeqquteqaatinnut qujavunga.

1. Kommuneni Inunnik Isumaginnittoqarfiit taamaallaat ukiut sisamakkaarlugit nakkutigineqartarnerat Naalakkersuisunit naapertuuttut isumaqarfigineqarpa?

Isumaginninnermut tunggasunik nakkutilliineq pillugu Namminersornerullutik Oqartussat nalunaarutaat nr. 6, 16. februar 2006-meersumi § 2, imm. 1 naapertorlugu Ilaqutariinnermut, Naligiissitaanermut Isumaginninnermullu Naalakkersuisoqarfik nakkutilliisarloq, tamatumalu kingorna kommunalbestyrelsen qinigaaffiata iluani nakkutilliinermit tikeraarneq minnerpaamik ataasiarluni pisassalluni.

Ilaqutariinnermut Naalakkersuisoqarfiup pisariaqarsorippagu §2, imm. 1-imi piumasaqaatigineqartumit annertunerusumik nakkutilliineq ingerlateqqinneqarsinnaavoq. Tamanna § 2, imm. 2-mi allassimavoq. Taamatut annertunerusumik nakkutilliineq Naalakkersuisoqarfiup ingerlateqqittarpa, arlaleriarlunilu taamaaliortareerluni.

Nakkutilliinerit isumaginnittoqarfimmut timalimmik tikeraarnikkut imaluunniit timalimmik suliassami ajornartorsiutinik Ilaqutariinnermut, Naligiissitaanermut Isumaginninnermullu Naalakkersuisoqarfiup ilisimasaqalerneratigut, assersuutigalugu nalunaartoqarneratigut, soorlu aamma tamanna pillugu allakkatigut nassuiaatinik naalakkersuisoqarfiup kommuni qinnuigisaraa.

2. Kommunit siornatigut nakkutigineqarsimasut Naalakkersuisunit malittarigineqartarpat? Taava Naalakkersuisoqarfiup nakkutilliisimaneranit kommunit nangitsisumik iliusaannut Naalakkersuisut qanoq isumaqarpat?

Isumaginnittoqarfiup aqunneqarnera aqqissuussaanelu pillugit Inatsisartut peqqusutaat nr. 11, 12. november 2001-meersumi § 1, imm. 1-mut tunggavigalugu oqaaseqaatini allaqqasoqarpoq, nakkutilliisoqarneratigut paasineqarsimappat inatsisit naapertorlugit peqqussutigineqarsimasut tamakkiisumik malinneqarsimangitsut, taava periarfissaqarpoq pissutsit uparuaaffigineqarnissaanut malitsigisaannillu Nakkutilliisoqarfiimmut suliassangortinneqarnissaanut. "[...] pisut uparuarneqarsinnaapput kingornalu Kommunit Nakkutilliisoqarfiannut tunniunneqarsinnaallutik. Uparuaaneq taamaallaat innersuussutinik imaqarsinnaavoq, peqqussutaanngitsunik pineqaatissisutaanngitsunillu. Nakkutilliineq aamma kommuninut killilimmik ilitsersuisussaataanermit malitseqarpoq. Taamaaliornikkut sulianik suliarinnittarnerup pitsaassusaa qaffatsin-

20. marts 2015
Sagsnr. 2015-112689
Dok. Nr. 1899967

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

neqassaaq.”

Isumaginninnikkut ingerlatsinermut nakkutilliisarnernut nalunaarummi § 5, imm. 1 naapertorlugu, nakkutilliisimanerit malitsigisaannik nakkutilliisimanerni tamani nalunaarusi-ortoqartassaaq. Nalunaarusiaq ilaatigut nakkutilliisimanerup kingunerisaanik inasuteqaatit suunerinik; nakkutilliinermi ajornartorsiutitut isigineqarlutik toraarneqarsimasunik; tamatumanili nakkutilliinerni maluginiakkat toqqammavigalugit naapertuutinnigitsutut naliliiffigineqarsimasut, soorlu suliat aaqqissuuneqarnerannut tunngasut inasutigineqarsimasut pillugit imaqartussaapput.

Naalackersuisut isumaqarput isumaginninnikkut allaffeqarfiit nakkutilliisoqarsimaneranit inassuteqaatigineqartartut malinniaannarnagit aaqqiivigineqarnissaat anguniartaraat. Naalackersuisoqarfiup misigisimasarpaat kommunit piumassuseqartartut Naalackersuisoqarfimmik qanimut suleqateqarnissartik suliassallu ingerlateqqinneqarneranni suleqatigineqarnissartik kissaatiginartuusartuq, taamaattumillu qitiusumik oqartussaasunut isumaginninnikkut inatsisit qanorpiaq paasineqartariaqarnersut pillugit sinnersorneqarusuttartut.

3. Nakkutilliinerit sutigut pitsanngorsarneqarsinnaanerit Naalackersuisut qanoq isumaqarpat?

Sulissutigineqarpoq nakkutilliartortarnerit assigiinngitsutigut pitsanngorsartuarnissaat, soorlu inatsisitigut, aningaasanik tunngasutigut ilisimasalinnik ilaatitsisarnikkut, tamama saniatigut apeqqut 4 akissuteqaataalu innersuussutigineqassapput.

4. Siunissami nakkutilliinerup nukittorsarneqarnissaanut qulakkeerinnittunik Naalackersuisut qanoq iliuuseqarpat?

Naalackersuisut pilersaarutigivaat siunissami nakkutilliartortinneqartartut tassaassassasut inatsisilerinermik, isumaginninnikkut siunnersuisarnikkut aningaasarsionermullu tunngasutigut immikkut ilisimasallit. Tamanna pitinnagu isumaginninnikkut nakkutilliisorineqartartut atorallaannarneqassapput. Taamaattorli Naalackersuisut maannangaq periarfissat iluanni pilersaarutigivaat assigiinngitsutigut nakkutilliartortarnerni peritsit pitsanngorsaavigineqarsinnaanissaat, soorlu nakkutilliartornerni peruserineqartartut allannguallatsinneqarnerisigut tamatumali kingunerisaanik kommunit ersarissumik pisussaaffilertarlugit nakkutilliartorsimasut inassuteqaataasa sukumiisumik malineqartarnissaat.

5. Meeqqat inuusuttullu inissinneqarsimasut atugaannut tunngatillugu kommunit nakkutilliinerannut, aamma kommunit pisussaaffimmittut nakkutilliinersut taakualu malittarineqarnerisut eqqarsaatigalugu, Naalackersuisut malittarinnippat?

Soorlu apeqqut 1-mut tunngatillugu akissuteqaammi atuarneqarsinnaasutut, Naalackersuisut nakkutigisarivaat ilumut kommunit allaffeqarfiit isumaginninnikkut maleruagasat, takukkit Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat nr. 11, 12. november 2001-imeersumi § 1, imm. 1-mut allaqqasut. Nakkutilliartortarnerit annertussusaat isumagineqarnerallu eqqarsaatigalugit taakua isumaginninnikkut nakkutillisarnermi nalunaarummi allaqqasut naapertorlugit ingerlanneqartarput.

Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq kingornalu § 4, imm. 1-mut tunngatillugu allannguutigineqarsimasut innersuussutigalugit, kommunalbestyrelsip nakkutilliiffisussaavaa meeqqat inuusuttuaqqallu atugarisaat pillugit.

Kommunit meeqqanik inuusuttuaqqanillu kommunimi najugaqartunik nakkutilliisussaati-taanerannut tunngatillugu nalunaarummi § 4 imm. 1-mut tunngatillugu nassuiaatini imatut allaqqasoqarpoq: *"Kommunit nakkutiginnittussaati-taaneranni aamma pineqarput meeqqat inuusuttullu angerlarsimaffiup avataanut inissinneqarsimasut. Taamaattumik maannakkutut kommunerivitaq pinnani kommunilu meeqqap najuligaa meeqqanut inuusuttunulluunniit avataanut inissinneqarsimasunut nakkutiginnittussaavoq."*

Meeqqat inuusuttuaqqallu angerlarsimaffiup avataanut inissinneqarsimasut pillugit su-liat ataasiakkaarlugit misissuiffiginerini, kommunit nakkutilliisarnerat ilanngullugu misissuiffigineqartarpoq. Nakkutilliinerni paasineqaraangat kommunip inatsisit naapertorlugit nakkutilliisussaati-taanini naammassisimangikkaa, kommuni peqquneqartarpoq pissaaffini naamassiniassagaa.

Inussiarnersumik inuulluaqqusillunga

Martha Lund Olsen